

Буриадын
Улсын



Эхэ найхан нутагаа эд хамта мандуулаа!

БУРЯАД ҮНЭН

1921 оной
декабрийн 21-нээ
гарана

Бүгдэд
арадай
газетэ

1996
АПРЕЛИЙН
30
Хабарай һүүл хара
луу
һарын 12
ВТОРНИК
гарагай 3
№82 (19422)
Газетын сэн
Хэлсээтэ.

Июнийн 16—Россин Федерацийн Президентын хунгалтын үдэр

Б. Н. Ельциниие дэмжэж, Президентын тушаалда дахинаа хунгагдахадань тулалха талаар бүгдэд арадай ниитын хүдэлөөнэй республиканска штабай, үнгэрһэн субботын үдэр, акционернэ "Улаан-Үдэн" нарин сэмбын мануфактура" бүлгэмэй "Текстильщик" гэжэ Соёлой ордон соо үнгэргэһэн конференцидэ хабаадагшад, нэгэн ханаа бодолтой, нэгэн эрмэлзэлтэй байханаа мэдүүлбэд. Энэ конференцидэ хабаадаһан засагай зургаануудай хүтэлбэрилэгшэд, Арадай Хуралай депутатууд, нотагай өөһэдэн хүтэлбэрийн зургаануудай, ниитэ-политическэ эмхинүүдэй, хүдэлөөнүүдэй түлөөлэгшэд болон хүдэлмэришэд, багшанар, дайнай ба ажалай ветеранууд, залуушуул хойно хойноһоон бодожо үгэ хэлэхэдээ:

—Мүнөөдөр Росси гүрэндэ боложо байһан шэнэдхэн хубилалгануудые эсэстэнь хүргэхэ хүн гэшэ гансал Борис Николаевич Ельцин, —гэжэ онсолон тэмдэглэбэд.

Б. Н. Ельциниие дэмжэн тулалха республиканска хүдэлөөнэй түрүүлэгшэ, Буряад Республикын Правительствын Түрүүлэгшын Нэгэдэхи орлогшо В. К. Агалов элдхэл соогоо:

—Табан жэлэй саана Росси түрүүшын Президентын хунгаа һэмди гэжэ хэлээд, тэрэнэй энэ хугасаада ябуулаһан ажал хэрэгүүд тухай тобохоноор мэдээсэбэ. Элдхэлшын хэлэхэнэй ёһоор, гүрэн түрэн байдал үшөө хүндэ хүшэр байбашье, ургажэ ябаа демократиин үндэһэ һууриин бэхижэжэ захалаа, бүрэн эрхэтэ, Конституцийн гуримаар ажабайдалаа ябуулдаг гүрэн боложо захалагхайбди. Гүрэнэй экономикын һэргэжэ захалһанай түрүүшын тэмдэгүүд үзэгдэжэ эхилээ, түхэригэй үнэ сэнгэй бууралгын хэмжээн байла ехэ урванагүй, дэлгүүрэй харилсаанай бодото хубилалганууд бэлүүдэгдэһээр, дэлхэйн түрүү гүрэнүүдэй дүй дүршэл дотоодын харилсаануудта үргэнөөр

хэрэглэгдэнэ. Жэшээлхэдэ, түбэй болон регионуудай харилсаанууд тусхай хэлсээнэй үндэһөөр байгуулагдана. Дэлхэйн гүрэнүүдэй дунда Росси нэрэ хүндэ һуларангүй, Европын гүрэнүүдэй сөөдэй гэшүүн болонхой.

...Мүнөөдөрэй байдал хүндэ. Энээн тухай Б. Н. Ельцин һаяхан Москвада үнгэрһэн, тэрэниие дэмжэлгын бүхэроссийска ниитын хүдэлөөнэй съездээрэ

дээдын зургаануудай ажалда хабаадажа, тэндэһээ хэһэн тобоһолоннуудые, мүн бэшэһе олон тоото баримта жэшээнүүдые хараада абажа, Б. Н. Ельциниие дэмжэхэ байханаа мүнөөдөр мэдүүлэб, — гэжэ Л. В. Потапов хэлэб: — Ажахын халбаринуудые һайн мэдэхэ, гүрэн түрэ хүтэлбэрилхэ засагай дээдын штада үнэнэй хүдэлжэ дүй дүршэлөөр барэ болоһон политическэ,

ГОЛ ЗОРИЛГОНЬ— Б.Н.ЕЛЬЦИНИИЕ ДЭМЖЭХЭ

үгэ хэлэхэдээ, үнэн сэхээр мэдэрһэн байна.

"Табан жэлэй хугасаада алдууһе хөгдээ, тээд шэнэ харгы зам гаталжа ябахата, орёо хүндэ бэрхэһээлнүүд олоор лэ дайралдадаг ха юм даа. Тибишье Президентын нангин уялга гэхэдээ, бүгдэд бэрхэһээлнүүдые дабажа, эхилһэн түүхэтэ хэрэгээ хүсэндэн хүргэхэ, Росси гүрэн хүгжэн халбаржа, агуухэ гүрэнүүдэй нэгэн байханаа баталханы дамжаггүй. Би энээндэ үнэн зүрхэнһөөн эгигэнэб. Эдэл ханаа бодолнуудһаа өөрынгөө онсо үүргые мэдэрэн, би дахинаа Президентын тушаалда хунгагдаха гэжэ шийдхэбэри абаһан байнаб"—гээд Б. Н. Ельцин мэдүүлээ һэн.

Россин Президентые дэмжэхэ уриа доро үнгэрһэн республиканска конференцидэ Буряад Республикын Президент Л. В. Потапов хабаадаһан байна. "Сэхыень хэлэхэдэ, гүрэнэй Президентээр хэниие хунгахаб гэхэн асуудалаар минии шийдхэбэри абаха гэшэ бэлэн хэрэг бэшэ байгаа. Гүрэнэй мүнөөнэй байдалые, зоной һанамжануудые, Россин парламентын болон засагай

уласхоорондын болон бусад асуудалнуудһаа өөрын онсо һанамжатай энэ хүнһөө ондоо хүниие би Президентын тушаалда харангүйб.

Энэ конференцидэ хабаадажа үгэ хэлэхэн Б. Н. Ельциней этигэмжэтэ ниюур болохо В. Морозов, акционернэ "Мотом" бүлгэмэй президент, Е. Егоров "Нэгэдэл ба хүгжэлтэ" хүдэлөөнэй ударидагшадтай нэгэн, Р. Пшеничникова ВСГАКИ-гай ректор, М. Дашеева Суулгын дунда хургуулийн багша, С. Захаров Забайкалийн хасагуудай сэрэгүүдэй агаман болон бусад Ельциниие дэмжэжэ байханаа мэдүүлээд, июнийн 16 болотор үргэлжэлхэ идхалгын хүдэлмэридэ ямар арга боломжонуудые хэрэглэхэ, ажлаа хайшан гэжэ эрхихэ талаар дуралдхалнуудые оруулһан байна.

Конференцийн забнарлалай үедэ эмхидхэгшэд журналистнуудтай уулзажа, тэдэнэй асуудалнуудта харюусаа. Мүн тийхэдэ эндэ суларагшад Буряад ороной хунгагшадта ба Б. Н. Ельциндэ хандалгануудые абаа.

В. ШАГДУРОВ.

БУРИДХЭЛДЭ АБТАА

Россин Федерацийн Түбэй хунгуулийн комиссийн мэдээсэһэнэй ёһоор, дабдээрэ 11 кандидат бүридхэлдэ абтаба. Эдэнь хэд бэ гэбэл:

1. **Б. Н. Ельцин**—Россин Федерацийн Президент.
2. **Г. А. Зюганов**—КПРФ-гэй хүтэлбэрилэгшэ.
3. **В. В. Жириновский**—ЛДПР-эй хүтэлбэрилэгшэ.
4. **М. С. Горбачев**—уласхоорондын жасын президент.
5. **С. Н. Федоров**—Гүрэнэй Дүүмын депутат.
6. **Г. А. Явлинский**—Гүрэнэй Дүүмын

депутат.
7. **М. А. Шакум**—Уласхоорондын жасын генеральна директор.

8. **А. И. Лебедь**—Гүрэнэй Дүүмын депутат.
9. **В. А. Брынцалов**—Гүрэнэй Дүүмын депутат.

10. **А. Г. М. Тулеев**—Кемеровскэ областиин Хуули гаргалгын Суглаанай түрүүлэгшэ.

11. **Ю. П. Власов**—саг зуура ажал хэнэгүй. Ажалаалта: Россин Федерацийн Президентын тушаалда үшөө хэдэ хэдэн кандидатууд сүүдэ хандажа, бүридхэлдэ абтаха тухай асуудал табинхай.

"Буряад үнэн"—96

ХУРАМХААНАЙХИД ТҮРҮҮЛҮЭЭР

—Холын хойто, сэдэг хүйтэн уларилтай газарта ажагуудаг манай аймагай ажалшад саг соогоо захихан газарта абадаггүйшье һаа, олониитын ажабайдалтай холбоотой байһаар. Хүдөө нотагууд болон аймагуудай, республика болон Россин һонинуудые дуулажа, сэдхэл бодолоо ханааһаар. Энэ талаар "Буряад үнэн" газетэ өөрынгөө үүргэ дүүргэнэ. Хоёрдохёор, нотагаархидни дэлхэй дээрэхи ори ганса түрэл "Буряад үнэн" газетэдээ дуратай, саг соонь дэмжэдэг байһаниинь буряад зоной сагаан хайхан сэдхэлхэ дулдыдана бшуу. Гурбадахаяр, "Толи", "Буян", "Ветеран", "Хүн ба байгаали", "Байгал шадарай нотагуудта", "Буряад литэ", нотаг нугануудые үргэн дэлисэтэйгээр харуулһан хууданууд тон һонирхолтой,—гэжэ 30-аад жэл соо таһалгаряагүй "Буряад үнэн" газетэ захижа ябаһан, Хурамхаан тосхондо ажагуудаг Бата Васильевич Самбуев урмашан хөөрэнэ.

Мүн аймагай бүхэ библиотекэнүүд "Буряад үнэн" газетэ абана. Иимэ байдал Загарайн, Ивалгын аймагуудта үгы тооной. Бата Васильевич Самбуев аймагай хэлхэ холбоной захил эмхидхэхэ инструктор Самажаб Нечкина хоёр ехэ үүсхэл гарганаһангаа түлөө аймагай түбтэ ажагуудаг хүн зондо 41 хэһэг "Буряад үнэн" газетэ захюулаа юм.

—Мүнөө жэлэй хоёрдохы хахадта "Буряад үнэн" газетэ аймагай түбтэ үсөөрхэгүй,—гэжэ нүхэр Нечкина мэдүүлээ.

Аргата нотагай хүн зон 1996 оной түрүүшын хахадта 150 хэһэг "Буряад үнэн" газетэ абана. Мүнөөнэй сагта нимэ олон айлай түрэл газетэе абадаг һуурин тосхон республика соо үгы тоонон байһаар. "Ходоодо сэдхэлхэдэ һанагдагша хөнгөр нотаг Аргатамни" гэхэн тусгаар хуудһаа эдэнэртэ зориулагдаба. Апрель һарын түрүүшын үдэрнүүдтэ Сергей Хобискалович Ринчино, Лубсан Гомбоевич Очиров, Цыденжаб Будаевич Цыдыпов, Валентина Батуевна Шотхоева, Анна Рагнаевна Будаева гэгшэд Аргата нотагта жэлэй хоёрдохы хахадта хүнгэлэлтэй захил хэһэн байна.

Аймагай эгээл хойто захын Уланхаан, Алла тосхонуудай ажалшад тус-тусгаа 60-64 хэһэг "Буряад үнэн" газетэ абана. Урда жэлнүүдтэ Уланхаан, Алла һууринуудһаа захил хэлгээр гээгдэжэ ябаһан Аргуунай 51 айл "Буряад үнэн" газетэ захижа, һайшаалтай хэрэг эхилээ. Аргата, Уланхаан, Алла тосхонуудай ажалшад һүүлэй гурбан жэл соо "Буряад үнэн" газетэ тогтууритайгаар захиһа. Энэнь һайшаалтай. Тус тосхонуудай почтальонууд редакцийн зүгһөө урмашуулагдаха бээ гээд ханагдана. Мүнөө жэлэй хоёрдохы хахадта хэлхэе холбоной таһагуудай болон почтальонуудай хоорондо "Буряад үнэн" газетэ тараалгын заншалта конкурс һэргэхэ тон шухала.

Хурамхаанай аймагай Барханай сомоной Ленинэй нэрэмжэтэ колхозой правленийн ехэ зал соо колхозой правленийн гэшүүд, хүдөө ажахын мэргэжэлтэд, бригадирнууд сулаража. Тус правленийн суглаан дээрэ "Буряад үнэн" газетэдэ захилай ябаса тухай зүбишэн хэлсээ. Колхозой правленийн түрүүлэгшэ Бүгэдэма Дамдиновна Бадаева ферме, отара, гүүртэ болон гарьяан ажалай бригадануудта "Буряад үнэн" газетэдэ захил хэхэ хэрэгтэ анхаралаа хандуулхыень фермернүүдые, отарануудые даагдагша хандаба.

—Элһэн тосхондо оройдоо 8 хүн "Буряад үнэн" абана. Энэмнай үсөөн. Би нотагтаа захил хэлгэдэ хабаадаха,—гэжэ правленийн гэшүүн, Ажалай Улаан Тугай орденот Александр Едошкиевич Галсанов мэдүүлэб. "Манай Хонхинэ нотагта нэгэ хүнэй ферме, хэдэн арбаад айл ажаһууна. Тийгэбэшье Хонхинодо 12 айл "Буряад үнэн" газетэ абана. Би правленийн гэшүүн байһандаа фермнэгэ 6 һааһиандаа арга хургаа оложо, түрэл газетэе мүнөө жэлэй хоёрдохы хахадта захил эмхидхэхэб, түрүүлэн өөрөө захиһаб"—гэжэ фермые даагша Сэрма Гармаевна Цыбыкова найдамтайгаар хэлээ һэн. Базар Санхорович Гармаев ингэжэ хэлэб: "Буряад үнэн" газетэ манай Бархан нотаг, арадай театрай ажабайдал тухай хирэ-хирэ болоод бэтиэнэ. Манай нотаг Бархан холо ойрын нотагуудай дунда нэрэтэй, солотой томо буряад нотаг болоһон гээһинэ. Буряад Республикын олон нотагуудай үбгэд мүшонтэй зэргэлэн яларһан мүнгэн толгойто Бархан ууладамнай шүтэнэ. Тиймэнээ бидэнэр, барханайхид, Аргатаһаа, Аллаһаа, Уланхаанһаа, Аргуунаһаа "Буряад үнэн" газетэ захилгаар гээгдэжэ ябанабди. Би пенсионернүүдэй дунда захил эмхидхэхэб".

Үнэн дээрээ "Буряад үнэн" захил хэлгэ аймагай томо буряад нотаг Барханда мухардахагүй, яһала урагшатай ябахаар хараалагдана. Юуб гэхэдэ, барханайхид зундаа арадай театрайнгаа 60, арадай музейн—40, хургуулийн интернадай 50 жэлэй ойн һайндэрнүүдые тэмдэглэхээр бэлэдхэл хэжэ эхилбэ. "Буряад үнэн" газетэ эдэ һайндэрнүүдые хэдэн мянган уншагшадтаа дуулахань арсалгагүй. Үргэн арад зоной урда магтуулаха, буддын номой ёһоор, буянда хүртэхэ болон бшуу. Энэ сэгиэлтэ мянгаад жэлэй ажабайдалһаа дулдыдаһан гэжэ бү мартаа.

Апрель һарын 1-нэй байдалаар Хурамхаанай аймагай ажалшад 1996 оной нэгэдэхи хахадта 408 хэһэг "Буряад үнэн" газетэ абаһан байна. Энэнь буряад зонтой аймагуудай дунда хүн зонойгөө тоогоор түрүү һуурда ябана. Нийтын ажабайдалда хээгдэшье эдэбхитэй байдаг нотагаархидни мүнөө жэлэй хоёрдохы хүнгэлэлтэй захилые хэрэглэн, "Буряад үнэн" газетэе захиха байха гээд найданаб.

ВЛ. БАТӨРОВ.

Байгша оной март харын тэн багаар Туранай совхозой хамтын тоосоото суглаан боложо, ажахын ахмад экономист С. М. Махаров, ахмад бухгалтер С.Д. Д. Дармаева, ахмад зоотехник С. Д. Боздоев, агроном Г. Б. Буянтуев, инженер-барилгашан, Хойто-Голой отделение эрхилэгшэ Б. Л. Маншеев, ахмад ветеринарна врач Б. В. Дымшеев гэгшэд жэлэй турша соо ябуулхан ажал тухайгаа тоосоон байна.

Үнгэрхэн 1995 он Туранай совхоздо ямар жэл болобо? Үгэхэлэгшэдэй мэдүүлхэнэй ёһоор, совхозой хүдэлмэрилэгшэд үнгэрхэн жэлэйнгээ түсэб-даабари бэлүүлжэ шадаагүй. Үйлэдбэрийн-финансова түсэб миил 40 процент дүүргэдээ.

Таряан ажал. Ажахын механизаторнууд нёдондо бүхыдөө 3854 центнер орооно гэхэ гү, али гектар бүриһөө дунда зэргээр 5,5 центнер таряа сохижо абанан байха юм.

Хэрбээ 1994 ондо совхоз бүхыдөө 11625 центнер үбнэ, 4000 центнер голоомо, 3040 тонно силос нөөсөлхэн хаа, харин үнгэрэгшэ жэлдэ тэдэнэр 5463 центнер үбнэ, 3000 центнер голоомо, 1915 тонно силос бэлэдхээ юм.

Мал ажал. Бии байхан үхэрүүдээ, адуу моридоо үсөөлхэгүй гэжэ ажахын ороолого хэды гаргабашье, зарим малшадай гэмэ зэмээр ниитын адууна малай тоо толгойнь олоор гарза хоролтодо оруулагдаа. Үнгэрхэн тоосоото үе соо эндэ бүхыдөө 200 гаран толгой мал гарзалхан байна. Тугалнууд, унагад нилээд үсөөнөөр абтаба. Тусхайлбал, нёдондо жэлдэ 453 тугал (1994 ондо 690 толгой байгаа), 55 унаган (1994 ондо - 88 толгой) абтажа түлжүүлэгдээ.

Гарза хоролтонь олошороо гэжэ дээрэ хэлээ нэм. 1995 ондо дүн хамтадаа 271 үхэр, 55 морин үхэл хатада ороон байна. Энэнь урзаңда жэлэйхиһээ 149 толгойгоор олон үхэр, 6 толгойгоор олон морин гарзалба.

Үйлэдбэрийн продукция өөрын үнэ сэн нилээд дээшээ ургаба. Жэлэй турша соо ургуулжа абанан нэгэ центнер ороононой өөрын үнэ сэн аяар 89,2 процентээр, нэгэ

центнер үбнэнэй сэн баһал 2,3 дахин ургаһан байха юм.

Эдэбаримтанууд хаанаһаа эхи үндэхтэйб гэхэдэ, худалдажа абанан тоһо түлишын материалай, запас хэрэгсэлнүүдэй, элшэ хүсэ хэрэгслэнэй үнэ сэнгүүд илангаяа үнгэрхэн жэлдэ эрид дээшэлээ бшуу. Тодорхойлон хэлэбэл, энэ ажахы 1994 ондо бүхыдөө 66 миллион түхэригэй тоһо, шэнгэн түлишэ худалдажа абанан хаа, 1995 ондо аяар 306 миллион түхэригөө энэ ганса хэрэгсэлдэ гаргашалха

Ажахынуудай тоосоото-һунгалтын суглаанууд

ХЭНЭЙ ГЭМЭЭР ГАРЗАТАДЬ?

баатай болоо. Нёдондо элшэ хүсэ хэрэгслэнэй түлөө 54 миллион түхэриг түлэжэ, урзаңда жэлэйхиһээ 21 миллионоор ехэ мүнгэ гаргашалаа юм.

Хүдөөгэй зоной салын хүлэнинь бираггүй байхан заңдаа. Энэ ажахы 1994 ондо хүдэлмэрилэгшэ бүхэндөө нара бүри 81 мянган түхэриг түлэжэн хаа, харин үнгэрхэн жэлдэ 136 мянган түхэриг түлэжэн байна.

Үндэхэ баримтагүй гаргаша тухайнь хэлэхэ болобол, иимэрхүү байдал эндэ тогтоо. Ажахы малаа гарзада оруулхандаа аяар 76 миллион түхэригэй, туранхай үлбэр үбшэн мал гүрэндэ тушаанандаа 69 миллион, дэлгүүр дээрэ мяхаяа гаргажа, үнэгүйгөөр худалданандаа 62 миллион түхэригэй гарша гайда ороо. Хэрбээ малшад зунай бэлшээрин хаһада даалгадан үхэр малаа, адуу моридоо шахан таргалуулжа, нэгэшье толгой малаа гарза хоролтодо оруулаагүйгөөр бусажа ерээ хаань, ажахы иимэ ехэ гарза хоролтодо орохогүй байгаа гэжэ ханамаар. Тээд ажалдаа хайша хэрэгээр хандадаг иимэ малшад эндэ нилээд олон гэжэ энэ баримта гэршэлжэ үгэнэ бшуу.

Ажахы дотор шахан таргалуулаар арбан гүүртэ холын бэлшээридэ жэл бүхэндэ гаргагдадаг юм. Үнгэрхэн жэлдэ тэдэнэр зунай гурбан нара соо

бүхыдөө 810 центнер нэмэлтэ шэнгүүр абаха түсэбтэй аад, үнэндээрээ миил 491 центнер абанан байна. Холын бэлшээридэ ошоһон олохон малшад үхэрнүүдээ, илангаяа тугалнуудаа гарзада оруулжа бусаа. Жэшээ болгон хэлэбэл, үхэршэн Баяр Амбаев 42 толгой тугал гарзалуулан байха юм. Эндэ зунай харанууд соо бүхыдөө 186 толгой бодо мал үхэл хатада оруулагдаа.

Совхоз мяхалиг үүлтэрэй 26 гүүртэ малтай юм. Энэмнай бултадаа үнээд,

Хүн бүхэнэй ажалаа жэншэдгүй хээд, даалгадан малаа нарин харуулан дороо абаад, үбшэн, үлбэр малаа эмшэлээд байгаа хаань, иимэ байдал тохёолдохогүй бэлэй.

Энэ ажахы гансал мяха худалдажа, олзо оршо олодог байна бшуу. Энэниинь хүн бүхэн хайн мэдэнэ. Холын бэлшээридэ абаһан малаа хүшлүүлжэ, таргалуулжа асараа хаа, совхоз айхабтар ехэ олзо оршо оруулжа аргатай байгаа ха юм. Олохон мунгөөрөө пекарни

центнер үрэнэн хэрэгтэй болохо юм. Даб дээрэ 2000 центнер хүрэнгэ бии. Тэрэнһээ 600 центнерьень Эдээ хоолой корпорацида үриез түлэжэ тушаахабди.

Инженер-барилгашан, Хойто-Галай отделение эрхилэгшэ Б. Л. Маншеев үгэ абахадаа, үмсын мал ургаса гэмтээжэ, ехээн хохидол асарна гэжэ хэлээ.

Пенсионер О. Д. Сыренова мүнөөнэй байдлаар сэдхэлээ үбдэжэ байханаа мүн лэ элирхэйлээ. Туранай отделения малда силос үгтэнэгүй, гансал үбһөөр хооллуулан хүшэр. Хойто-Голой отделение Шаро-Талада силос ехэ үлэнхэй. Тэндэхэ асархын аргагүй юм гү гэжэ тэрэ ажахынгаа дарганарта хандаһан байна.

- Малай байранууд ехэ муу байдалда оронхой. Иимэ байранууд соо байхан илангаяа залуу мал хүйтэ абажа, үбшэлнэ, хүүлэй хүүлдэ гарзална, - гэжэ ахмад ветеринарна врач Б. Д. Дымшеев мэдүүлбэ. - Иимэ мал аргалха эм дом үгы. Эмэй ехэл үнэтэй болоһон дээрэхэнь хүндэ байдал тохёолдоо гэжэ тэрэ түгэсхэлдөө хэлээ.

- Үнгэрхэн жэлэй дүнгүүдэ мүнөө шагнажа байхада, сэдхэлээ үбдэхөөр. Манай совхозы иимэ хүндэ хүшэр байдалда орошоо гэжэ дуулахадаа, ханаа амар хуушаар бэшэл. Ажахын бүхы үйлэдбэринь эрид доошоо унаба. Хэээ иимэ байхан зонбиди? Мяха, һү, тоһоёо тушаагаад, олзотой оршотой ажаһуудаг байгаабди. Тээд мүнөө юун болобо? Хамтынгаа малые тэжээлээр гүйсэд хангаха аргатайбди, - гэжэ пенсионер Л. А. Аюшеев үнэн зүрхэнһөө ханаагаа зобожо байхана мэдүүлээ.

Ажахын хамтын тоосоото суглаанай дүн совхозой директор И. С. Маншеев согсолһон байна.

Энэ суглаанда аймагэй захиргаанай гулваа Б. Ш. Ускеев, хүдөө ажахын управлений начальник В. С. Холхоев болон аймагэй бусад эмхинүүдэй түлөөлэгшэд хабаадалсажа, үгэ хэлээ.

В. ШАГЖИЕВ,
"Саяан" газетын редакциин
корр.



ЕХЭ, БАГАГҮЙ

Газаа тэрхэнь харахада, нилээд хуушархан, хана хаягайн штукатуркын эндэ тэндэ холторжо эхилхэн бургуулин хоёр дабхар байшанай газраа хөрөө соогуур, бүри газраа талааршье олон үхибүүд үймэжэ, нахы-налаг хүдэлжэ байба. Тармуур, хамуур, хүнэг барихан тээ томохон, үшөө жаахануудшье хүбүүд, басагад шулуу шохой, шорой хамажа, тармажа, тоһо бурьюулна, шууяна. Юрэдөөл, сүлөө тухатай хүн үгы дан.

- Ариг сэбэр сахилгын Бүхэроссин субботнигто булта гараад лэ, хургуулингаа газраа, досоохие сэбэрлэжэ, арга шадалаараа болбосон түхэлтэй болгожо байнабди. Хургуулимнай байшан хуушараа, муудаа даа. Мүнгэ зөөрийн, барилгын хэрэгсэлэй байдалнь, энээнээ заһабарилха хаабзабди, - гэжэ Гэгээтэйн дунда хургуулин директор Т. Д. Лумбунова хөөрэнэ.

Эндэ 300 гаран хурагшад, багшанар гаража, бүхэли үдэр соо хүдэлөө.

ЗУРАГУУД ДЭЭРЭ: субботнигтой үедэ.

Зэдэн аймаг.

С. БАЛДУЕВАЙ фото.

Хориин I-дэхи дунда хургуулийн 190 жэлэй ойдо

ҺАЯХАН манай редакцида үндэр наһатай Рандал Тинатович Рабданов орожо ерэбэ. Мэндэ найнаа хэлсэһэн хойноо үбгэжөөл хармаанаа уудалаад, гоё гэгшын нэгэ саарна харуулба. Тэрэнь Хориин хургуулийн 190 жэлэй ойн баярай һайндэртэ хабаадахыень уриһан урилга байба.



конторын дэргэдэ 1806 оной январин 24-дэ буса түрэлтэнэй училищи гэжэ нэрэтэйгээр Бурядай түрүүшын үндэһэн хургуули нээгдэһэн түүхэтэй. Түүхээр баян энэ хургуулида хураһандаа би омогтой, баяртай ябадагби. 1938 ондо хургуулимнай юрэнхы дунда эрдэм олгодог болоһон юм.

АЯАРХАН АНААГАЙ ХОЙМОРТОЛ ҺЭН

- Тамнай Хориин хургуули дүүргэһэн байнагта? - гэжэ асуугдаба. Дүүргэһэн даа. 1927 оной выпускник гээшэб. 1923 ондо Хориин ШКМ-дэ пионерэй эмхи байгуулагдһан юм.

Николаевна 1920 ондо түрэхэн Цеза гэжэ басагатай юм һэн. - Тиэхэдэ Та Хориин хургуулида комсомолой гэшүүн болоһон байгаа бээтэ? - Одоо ёһоорхон ааб даа. 1925 ондо арбан дүрбэтэй болоходоо, комсомолой гэшүүн болоһон хүн гээшэб.

жэлэй ойдо ошохо хүн аабта даа. - хургуулингаа 175 жэлэй ойдо ошохо хабаадалсаа һэм даа. Харин мүнөө ошожо бирахагүйм ха.

Тиигээд миин байнхаар, мэндээ хэлэ гэдэг гүб даа. Тиигээд 1938 онһоо жэл бүри (дайнай табан жэлэй бэшэ тээн) захижа уншадаг газетынгээ ньюраар дамжуулжа, амаршалха гээ һэм.

Ц. ДОНДОГОЙ энэ хөөрэлдөө хэбэ.

Унэ сэнгүүдэй асуудалнууд ЭЛЕКТРИЧКЫН ТҮЛБЭРИ ТУШАА ҮШӨӨ ДАХИН

Байгша оной мартын 1-һээ электричкэнүүдэй биледэй түлбэрийн тариф 16 дахин нэмээ гэжэ уншагшадтаа дуулгаа һэмди. Мүнөө юундэ энэ түлбэридөө дахинаа бусаха баатай болонобиди гэхэдэ, Улаан-Үдэдэ ажаһуудаг, дачын хаһа соо энэ транспорт хэрэглэдэг олохон хүнүүд, тэрэ тоодо: Батоев, Занданова, Очирнимаев, Бардуева гэгшэд манай редакцида хонходожо хандахадаа, энэ-тэрэ станци хүрэтэр биледэй сэнгэй хэдытэ болоһыень бэшэжэ, дуулахыемнай ехэтэ гуйгаа.

Нүүдэл заседани ҺАНУУЛГА ХЭГДЭЭ

Аймагай захиргаанай социальнo-экономическа асуудалаар гулгагай орлогшо В. В. Гашевай хүтэлбэри доро экономическа советэй нүүдэл заседани Ильинскийн посёлково захиргаанай байшан соо һаяхан боложо үнгэргэбэ.

хэрэгтэй хэмжээнүүдье абахаар тэрэнэй хүтэлбэрилэгшэ В. И. Таракановский уялгалагдһан байха юм.

тоосоогоо нара бүхэндэ хэдэг байһандаа, Россия Федерацийн түбэй банкын директорнүүдэй советэй баталан абаһан "кассовая операщи эрхилхэ" гуримай 24-дэхи пунктда зүрью ябадал хэһэнийнь элирүүлэгдэе ха юм.

Загарай ошохоёо һанаһан улад нэгэ биледэй түлөө 6800, хүүгэд 1700 түхэриг, Тимлюй хүрэтэр ехэ хүн 10800, хүүгэд 2500 түхэриг гаргажа түлэхэ байна.

ЗАЛУУШУУЛ ДУРАДЖАНА

Республикын Залуушуулай хэрэгүүдэй, аяншалгын, физкультура ба спортын талаар гүрэнэй комитедэй зүблөөн дээрэ орон доторхи байдалай хүгжэлтын ба залуушуулай сүлөө сагай хэмжээ ябуулгануудай программанууд шэнжэлэгдэжэ эхилбэ.

зүбшэн хэлсэгдэхээр хараалагдана. Эндэ Улаан-Үдэ хотын, мүн лэ Хурамхаанай, Загарайн, Сэлэнгын аймагуудай задуу эдэбхитэд хүгжэлтын программанууд даурадхана байна.

Тус комитедэй эдэбхитэдһээ, Эрдэм хуралсалай министрествын ахамад мэргэжэлтэдһээ бүридүүлэгдэһэн комисси залуушуулай хүдэлмэри шэнжэлхэ юм.

Уран зохёолой хуудгалан

"Байгал" – манай айлшан

Гараад байсан Хулгана жэлээр таанараа амаршалнабди.

Мүнгэнэй хоморто, пенси болон салин хүлэ саг соонь түлэхээ болиһон сагта манай Россин бүхы орон дотор хүшэр хүндэ байдал ерэнхэй гээшэ аабдаа. Тиибэ яабашье нохой хоншоороо уһанда хүргэхэдөө уһаша гэдэгтэл, хүн зон нэгэ арга олоод лэ, хоолойгоо тэжээжэ байна. Завод, фабриканууд, колхоз, совхозууд болон элдэб эмхи зургаанууд, тэрэ тоодо манай "Байгал" журнал хүшэр хүндэ байдалда оронхой. Үнгэрэгшэ, 1995 ондо манай "Байгал" журналай редакци типографида түлэхэ мүнгэгүйдэһэн байна. Тиймэһээ саг соогоо тушаан дугаарнуудыемнай типографи хэблэнгүй, мүнгэтэй болоторнай барижа, хэдэн нараар хожомдуулаа юм. "Байгал" журналайнгаа саг соогоо гарахаяа болиходо, энэ редакци хаагдаа гэжэ уншагдаһан ханаад, захил хэхээ болижо байнхай. Буряад хэлэн дээрэ гарадаг ори ганса журнал огтошье хаагдаха ёһогүй. Юундэб гэхэдэ, буряад арадай, буряад хэлэнэй үндэһөөрөө хосороогүйдэ, энэ журналынй гаражал байха. Манай журналда мүнгэ алтан дээрэһээ тон багаар, хэдэн нараар хожомдожо һомологдоно. Үни холоһоо хойшо буряад зон тэсэбэритэй, хүлээсэтэй байһан гээшэ. Тиймэһээ манай журналые жэл бүхэндэ захижа абагшад, шуналтайгаар уншадаг уншагдаһан урданайнгаа уг удамуудые һажаажа, "Байгал" журналаа тэсэбэритэйгээр хүлээгээт.



МАНДАА ОРОЖО ЕРЫТ!..

ҮНГЭРЭГШЭ ЖЭЛЭЙ бүхы дугаарнууд олон нараар хожомдоошье һаа, һаяхан булта хэблэгдэн гараба. Эдэ дугаарнуудай хэблэн гаргалгадамнай Хягтын, Хойто-Байгалай аймагууд, ЛВРЗ спонсор боложо (мүнгэ алта бусаадаггүйгөөр үгэжэ), манай редакцида туһалба. Захаамнай, Баргажанай, Хурамхаанай болон бусад аймагууд туһалжа байһанаа мэдүүлээд, хэлсээ баталжа байна. Мүнгэалтаар туһалһан эдэ аймагуудта бүхэли дугаарнуудаа зорюулжа, тэдэнэй гуйлта захилаар ургажа ябаһан бэшээшэдэйн, уран зохёолшодойнь, журналистнуудайнь бэшэһэн зохёолнуудые, аймагайн түүхэ, түрүү ажалшад, уран һайханай ажалбуулгын коллективэй гэшүүд, багшанар болон докторнууд тухайгаа бэшэһэн очеркнуудые, статьянуудые хэблэн гарганабди. Хягтын, Хойто-Байгалай аймагуудта зорюулагдаһан дугаарнууд гараа. Мүнөө Захаамнай аймагта, ЛВРЗ-дэ зорюулагдаһан дугаарнууд бэлдэгдэжэ байна.

Хүшэр хүндэ сагта манай редакцида спонсор боложо, бусаалтаггүйгөөр мүнгэ бидэндэ һомолжо, "Байгал" журналайнгаа дугаарнуудые хэблүүлэн гаргаһан эдэ аймагуудта аргагүй ехэбаяр баясхалан хүргэнэбди.

Саашадаа автономито хоёр округ, бусад аймагууд мүнгэ һомолжо, өөһэдэйнгөө аймаг тухай дугаарнуудые хэблүүлхэ аабза гэжэ найданабди.

Ямар һонин юмэнүүд манай журналда үнгэрэгшэ жэлдэ хэблэгдэн гарааб гэхэдэ, иимэ байна:

Арбан дүрбэдүгээр Далай-ламын бэшэһэн "Хари газарта олдоһон эрхэ сүлөө" гэжэ өөрын бэшэһэн һонирхолтой намтар үнгэрэгшэ жэлэй хэдэн дугаарта толилогдоо. Самандабадрагай (Базар Барадинай) "Шойжидхатан" гэжэ түүхэтэ драма, дайнай ба ажалай ветеран Д.-Н. Раднаевай "Ажаһууһан жэлүүд тухайгаа дурсалга" гэжэ һонирхолтой очерк үнгэрэгшэ жэлэй хэдэн дугаарта хэблэгдээд, үргэлжэлэлын энэ оной дугаарнуудта гаража байна. Энэ очерк соогоо Баргажанай, Хурамхаанай, Яруунын аймагуудта ажаллаһанаа, дайнда ябаһанаа, суг хамта хүдэлһэн аймагай хүтэлбэрилэгшэд, республикын ба мүн дээдэ зургаануудта ажаллаһан хүтэлбэрилэгшэд тухай автор бэшээ юм. Буряадай арадай поэт Ц.-Д. Дондоковагай "Ногоохон отог" гэжэ туужа хэдэн дугаарта хэблэгдээ. Дайнай урда тээ Раднабазарай түрүүшын дуран, дайнда шархатаад,

нютагаа бусаад ажаллаһан тухайнь автор энэ зохёол соогоо һонирхолтойгоор бэшэһэн. "Ванга" гэжэ суута болгар үзэлшэн, мэдэлшэн эхэнэр тухай баримтата туужа, дугаар бүхэндэ монгол арадай онтохонууд, хүн бүхэнэй хуби заяае хэдэн олон жэлээр урид мэдэхэ, эмэгтэй эрэгтэй хоёрой инаглажа, нүхэсэжэ, хамта һуухадаа таараха, таарахагүй тухай хитад зурхай толилогдон гараа.

ЭНЭ ЖЭЛДЭ—1996 ондо иимэ зохёолнууд хэблэгдэхээр хараалагдана:

1-дэхи дугаарта хоёр залуушуулай халуун дуран, тэдэ хоёрой алтан дэлхэйтээ хахасалга, үхибүүнэйн үншэрэлгэ, үхибүүнэйн түрэл гаралайн газашалга, эсэгынгээ нютагта, дэлгэр һайхан сэдхэлтэй нютагайхидтань бусаалга тухай шэнэ туужа соогоо уран зохёолшо Сергей Цырендоржиев бэшэһэн.

Буддын шажан: түүхэ, һургаал зохёол гэнэн ниитэ гаршаг доро "Ногоон Дара эхын туужа" хэблэгдэжэ байна. Батожаб Цыбиковэй бэшэһэн Агын найман эсэгын зайһанууд, шүүлингүүд болон Түгэлдэр тайшаагай эдир наһан тухай "Түгэлдэр тайшаа" гэжэ туужа энэ оной хоёрдохи дугаарта хэблэгдэхэ. Будаханда Цырендоржиевагай урдань буряадууд яжа үхибүүдэ

хүмүүжүүлдэг, ажалда һургадаг байгаа гэжэ бэшэһэн "Хүн болохо багаһаа" гэжэ методическа пособи энэ ондо хэблэгдэхэ. Хэдэн жэлэй саана "Байгал" журналда хэблэгдэһэн "Бүртэ Шоно" гэжэ Чингис хаан тухай романай автор, мэдээжэ япон уран зохёолшо Ясуши Иноуэ гэжэ бэшэһэн 18-дахи зуун жэлэй эхиндэ орос япон хоёр ороной харилсаа холбооной урда орос ороной байдал, далайн дошхон һалхи шуурганда осолдо орожо, ородой газар дээрэ онгосотоёо хаягдаһан япон заһаһашадай хуби заяан тухай "Орос орон тухай зүүдэн" гэжэ һонирхолтой роман хэблэгдэжэ эхилбэ. Энэ ондо дугаар бүхэндэ энэдхэг арадай онтохонууд, һонин-һонин роман ба туужанууд, очеркнууд, Бурхан шажан тухай зохёолнууд хэблэгдэхээр түсэблэгдэнэ.

"Байгал" журнал саг соогоо хэблэгдэжэ эхилбэ. Хэрбээ захил хэжэ үрдээгүй һаа, захил хэгты. Улаан-Үдэ хотодо ажаһуудаг хүнүүд манай редакцида ерэжэ захил хэдэг болонхой, мүн баһа Агын Буряадай автономито округто, манай республикын заха холын аймагуудта ажаһуудаг зон Улаан-Үдэ хотодо ажаһуудаг түрэл гаралнуудтаа захижа, түрэл гаралнуудаа манай редакци эльгээжэ захил хүүлэнэ. Хэрбээ манай редакцида ерэжэ захил хэбэлтнай, почтодо захиһаһаа һураггүй үнэгүй болон, мүн

хэдынэйшье сагта ерэжэ, өөһэдөө захиһан журналаа абахат. Захиһан журналнууднай ерэнэгүй гэжэ почтоор захигшад гомдол баридаг. Тэрэ манай бэшэ, харин почтынхидай гэм болоно. Хэрбээ голодоһотойгоор, таһархай

удархай хууданатай, эндэ тэндэ барлагүй, энэ тэрэ зохёолнуудай алгасажа, сагаан хуудануудай дайралдаа һаа, республикын типографида хандагты. Энээн тухай журналай араталын гадар дээрэ бэшээтэй, адресуудын үгтөөтэй байха.

Һүүлэй үедэ манай "Байкал", "Байгал" журналнууд киоскнуудта наймаалагдахаяа болиһой. Юундэ тиигээб гэхэдэ, журналыемнай наймаалһанай түлөө бидэнһээ ехэ мүнгэ эринэ. Тиихэдэнь бидэ редакцида наймааладаг болонхойбди.

Манай редакцида үнгэрһэн жэлүүдтэ хэблэгдэн гараһан "Байкал", "Байгал" журналнууд, мүн бурхан шажанай номууд: "Доржо Жодбо", "Эрдэнийн сан субашад", "Хитад зурхай", 14-дэхи Далай-ламын бэшэһэн "Хари газарта олдоһон эрхэ сүлөө" гэжэ өөрын намтар наймаанда байна.

Түрэл буряад хэлэн дээрэ хоёр нарадаа нэгэ дахин хэблэгдэдэг "Байгал" журнал сэдхэлдэтнай һайханаар һаань, редакцидамнай ороод гарыт, "Байгал" журналаа захиит.

Г.-Д. ДАМБАЕВ,
ахамад редакторай
орлогшо,
уран зохёолшо.

ЗУРАГДЭЭРЭ: журналай хүүдэлмэрлэгшэд ээлжээтэ дугаарайнгаа түсэб зүбшэнэ.

АЖАЛШАДАЙНГАА СЭДЬХЭЛДЭ ХЭТЭДЭЭ МҮНХЭ

ХАМТЫН АЖАЛАЙ элитэ хүтэлбэрилэгшэ Рабдан Цыцыктуевич Банзароной түрэнөөр 90 жэлэй ойдо зорюулагдаһан баярай суглаан һаяхан боложо үнгэрөө гээд мэдээсээ һэмди. Баяр ёһололой хоёрдохи үдэрын үглөөнэй 10 сагта "Победа" колхозой правлений байшанда дурасхаалай самбар нээлгын митинг болобо.

Эгэтын-Адаг тосхоной захиргаанай зайһан Абида Петрович Дондоков энэ митингыг нээхэ үедөө Р. Ц. Банзарон түрэл ажахынгаа хүгжэлтэдэ онсо хубитаяа оруулһан хүнүүдэй тоодо батаар ороһон бэлиг шадабаритай хүтэлбэрилэгшэ гээшэ гээд онсолон мэдүүлэ. Тэрэ үеын сагай байдалай хэр хүндэ хүшэр байбашье, Рабдан Цыцыктуевич ажалшадайнгаа талыг харалсадаг онсо шадабаритай хүн байгаа гээд энэ митингдэ хабаадажа, үгэ хэлэһэн хүнүүд Ц.Д. В. Намсараев, Ц. Ж. Ширапдоржиев гэгшэд тэмдэглэ. Удаань түрүүлэгшын гурбадахи хүбүүн—Буряадай региональна тамуужанай таһагыг даагша В. Р. Банзарон үгэ абажа, иигэжэ мэдүүлбэ:

—Хүндэтэ нютагаархидни! Эды олон жэлэй үнгэрбэшье, манай абын нэрыг мартангүй һанажа, дурсажа ябаһандатнай өөрынгөө, мүн дүрбэн аха, дүүнэрэйнгээ бүлэнэрэй зүгһөө баяр баясхан хүргөөд, ажал хэрэгүүдтэтай амжалта, зол жаргал хүсэнэб. Абымнай нэрыг түрэл хургуулидаа олгохо, мүн колхозойнгоо правлений байшанда дурасхаалай самбар үлгэхэ дурадхалнуудые һайшаажа дэмжэһэн нютагайнгаа бүхы хүнүүдтэ баяр баясхан хүргэнэбди. Эрхилжэ байһан ажалтайн ходоодоо урагшатай байг.

Тосхоной гол үйлсын урда заханда хирпийсээр бодхоогдоһон хоёр дабхар байшангай үүдэнэй баруун талада хадагдаһан хүрин-улаан рамор дээрэнэ Ажалай Улаан Тугай, "Хүндэлэлэй Тэмдэг" орденуудай кавалер, партиин XX съездын делегат Р. Ц. Банзарон 1943-1961 онуудта "Победа" колхозой түрүүлэгшээр хүдэлһэн гээд тэндэн һийлэгдэнхэй.

Энэ баяр ёһололой удаа эндэ сугларһан хүнүүд хургуули тээшэ субана. Тосхоной ажабайдалда онсо удха шанартай эдэ хэмжээ ябуулгануудта хабаадаһаа Улаан-Үдэһөө, мүн бусадшыг нютагуудһаа бууһан айлшадаа, түрэлхидөө эхин классай хурагша Эржэн Доржиева угтамжын дуугаар угтаба. Амаршалгын хатарай гүйсэдхэгдэһэнэй удаа суута түрүүлэгшын хүбүүдые—Климент, Валерий, Виктор, Ким болон Баяр Рабдановичуудые сагаан эдегээр, хадагаар золгобо. Эндэ сугларһан айлшад хургуулида орожо, Р. Ц. Банзароной ажал ябуулгада зорюулагдаһан музейтэй танилсаба.

Һаруул таһалгада орохо, тоһон шэрээр бэшигдэһэн түрүүлэгшын портрет доро түхээрэгдэһэн тагууд дээрэ Ажалай Улаан Тугай болон "Хүндэлэлэй Тэмдэг" орденуудай үнэмшэглэнүүд, РСФСР-эй Верховно Сөведэй Президиумэй Хүндэлэлэй Грамота, Буряадай АССР-эй Верховно Сөведэй Президиумэй Хүндэлэлэй 2 грамота, олон тоото үнэмшэглэнүүд зохидоор дэлгэгдэнхэй. Рабдан Цыцыктуевич Банзароной намтар, мүн элдэ үенүүдтэ суугаа хүдэлһэн хүнүүдэй дурсалганууд, колхозой ажабайдалыг харуулаһан фото-зурагууд он жэлнүүдээрн хубаарилагдаһан, музейн ханануудта үлгөөтэй.

Энэ музейдэ орожо гараһан хүн бүхэн табяад болон жараад онуудай республикын солото түрүүлэгшээрэй нэгэн Рабдан Цыцыктуевич Банзароной ажал ябуулгатай дүтөөр танилсаха арга боломжтой. хургуулин багшанарай болон Эгэтын-Адаг тосхоной ажалыг ветерануудай оролдолгоор эмхидхэгдэһэн музейн хүмүүжүүлхы үүргэнэ арюун байг гээд үрээхэ дуран хүрэнэ.

Нютаг зонийнгоо сэдхэлдэ батаар үлэхэн Рабдан Цыцыктуевич Банзароной нэрыг Эгэтын-Адагай дунда хургуулида олгоһон ушарта зорюулагдаһан баярай жагсаалыг тус хургуулин директор Жибзима Дашидондоковна Жамсуева нээжэ, Буряад Республикын Президентын байгша оной мартын 4-дэ гаргаһан Зарлиг уншаба.

Суута түрүүлэгшын дунда хүбүүн—ажалайнгаа намтарые эндэ багшаар эхилһэн Виктор Рабданович Банзароной хушалтыг татахада, "Р. Ц. Банзароной нэрэмжэтэ Эгэтын-Адагай дунда хургуули" гэхэн гаршагай аржыса харагдахада, энэ хэмжээ ябуулгада хабаадаһан айлшад, нютагайн хүнүүд, багшанар болон хурагшад нэрбемэ альга ташалгаар угтаба.

Баярай жагсаалда хабаадажа, үгэ хэлэһэн хүнүүд багшын ажалыг ветеранууд Е. Ц. Будаева, С. А. Тыхеева гэгшэд мүнөө байһан хургуулин баригдаа, мүн Эгэтын-Адагта дунда хургуули нээхэ хэрэгтэ бэлигтэй, түрүүлэгшэ Р. Ц. Банзарон ехэ габьяатай гээд онсолон тэмдэглэбэ.

Удаань дид-хамба Д. Цыденов үгэ абажа, угсаата арадынгаа ёһо заншалуудые һэргээхэ, хүгжөөхэ хэрэгтэ хургуулин багшанар ехэ оролдолго гаргаха гэжэ онсоллод, орон нютагайнгаа нэрэ солые үргэхэ, арьбадаха хэрэгтэнь амжалтануудыг хүсээдөө, Бурхан багшын хургаалыг наринаар сахиха, мүн олоной дунда дэлгэрүүлхэ шадабаритай хүбүүдыг шэлэбэлтэй, хилын саана хургахын тула оролдолго гаргахад гээд мэдүүлбэ.

Яруунын аймагай эрдэм хуралсалай таһагыг даагша С. Ц. Цыденова багшанарые, хурагшадые энэ баяраарн амаршалаад, Р. Ц. Банзароной нэрэмжэтэ Эгэтын-Адагай дунда хургуулида 4 миллион түхэригэй хуралсалай хэрэгсэлнүүдыг, "Акай" гэжэ үнгэтэ телевизор бэлэг барюулба. Баярай жагсаалай түгсэхэдэ үгэ абаһан В. Р. Банзарон иигэжэ мэдүүлэ: "Нютагаймнай олон хүнүүдэй хуби заяанда онсо нүлөө үзүүлһэн хургуулида манай эсэгын нэрэ олгохо хэрэгтэ эдэбхитэйгээр оролдоһон бүхы хүнүүдтэ, нютагайхидтаа манай аха, дүүнэрэй бүлэнүүдэй зүгһөө баяр баясхан хүргэнэб. Үхибүүдэймнай үхибүүд, мүн саашанхи үетэншыг нэрэтэ хургуулидаа али болохоор туһалха, Таанар, багшанарай хайн хайхан үүсхэлнүүдыг дэмжэхын тула оролдолго хэшээлээ гаргаха гээд, хүндэтэ нютагаархидаа найдуулнаб".

Р. Ц. Банзароной нэрэмжэтэ Эгэтын-Адагай дунда хургуулин хурагшад айлшадтаа концерт-наада табижа, зүрхэ сэдхэлныг баясуулаба.

Олохон жэлэй ходоорон үнгэрбэшье, Банзарон түрүүлэгшын габьяег мартангүй, нэрынь мүнхэлһэн эгэтын-адагайхидта хайн хайханние хүсөөд, энэ хүшэр сагта урма зоригоо алдангүй, бүхы бэрхэшээлнүүдээ урданайхи мэтээр дабахынь хүсэе.

Д. ХУБИТУЕВ.



АЯЛГА ХҮГЖЭМЭЙ ОРОНДО

Буряад ороной нийслэл хотодо ургажа ябаа залуу үетэниег дуу хүгжэмдэ дуратайгаар, аялга хүгжэм ойлгодоогоор, али бүхы хүгжэмэй инструментүүд дээрэ наадажа шададагаар хургадаг хүгжэмэй хүгжэмэй хургуулинууд яһала олон гээшэ. Энэ талаар республикын хүгжэмэй хургуулин багшанар ехэ үүргэ дүүргэдэг.

Хүгжэмэй училищы, искусствын институт болон консерватори дүүргэһэн бэлигтэй бэрхэ багшанар энэ хургуулида үхибүүдтэ багшалжа, аялга хүгжэмэй үндэһэ һуури шудалхадань, тэдэнэртэ туһалдаг байна.

Новосибирскын М. И. Глинкын нэрэмжэтэ гүрэнэй консерватори дүүргэһэн Любовь Ивановна Леонтьева 20 гаран жэлэй туршад энэ хургуулида хүдэлхэдөө, үхибүүдтэ хурагшадтаа теоретическэ предметүүдээр заадаг юм. Любовь Ивановна гүнзгы эрдэм мэдээсээ балшар заахан хүбүүд, басагадта сүм элсүүлдэг байна. Энэрхы хайхан сэдхэлтэй, эрилтэ эхэтэй багшадтаа үхибүүд тон дуратай, зааһан юумынь гүнзгыгөөр ойлгожо абахыг оролдодог.

Хүгжэмэй хургуулин фортепианын отделения хөөрдохы классай хурагшад Тая Кириллова, Юля Сыдыкбаева гэгшэд номдоо бэрхээр хурадаг юм. Тая багша Э. Ц. Дондуковагай, харин Юля Е. Е. Степановагай харгалзалга доро фортепиано дээрэ наадажа хурана.

ЗУРАГУУД ДЭЭРЭ: багша Любовь Ивановна Леонтьева; Тая Кириллова, Юля Сыдыкбаева гэгшэд сольфеджигой хэцээлдэ. Ц. ЦЫРЕНЖАПОВАЙ фото.



Эмхидхэн байгуулагшад - Буряад Республикын Президент, Арадай Хурал болон Правительство

Редактор А.Л. АНГАРХАЕВ.

РЕДАКЦИОННОКОЛЛЕГИ: РИНЧИНОВ С. Д. (редакторай орлогшо), ЖИГЖИТОВ Б.-М.Ж. (харюусалгата секретарь), ГАРМАЕВ Р.Б. (Буряад Республикын Президентын ба Правительствын аппарат), СУНДАРОН Д.Д. (Буряад Республикын Арадай Хурал), таһагуудыг даагшад: ДАШЕЕВА Г.Х., ДОНДОГОЙ Ц.Ц., ОЧИРОВ С. Д., САМБЯЛОВА Т. В., ПИНГАЕВ В.И. (хэблэлэй директор).

Манай адрес:

670000, Улаан-Үдэ, Каландаршишлин үйлсэ, 23, "Буряад үнэн" газетын редакци.

Газетэ хэблэлэй 2 хуудан хэмжээтэй. Индекс 50901. Хэлэг 4170. Хэблэлдэ тушаагдаһан саг 17.00.

"Республиканска типографи" гэхэн АО-до газетэ хэблэгдэ. Директорэйн телефон: 2-40-45. Б-0079-дэхи номертойгоор бүридхэлдэ абтанхай. Заказ № 7754.

Редакциин телефонууд: редакторай - 2-50-96, приёмнын - 2-54-54, редакторай орлогшоной - 2-68-08, харюусалгата секретарини - 2-50-52, секретаридайд - 2-62-62, таһагууд: нийтн-подитическэ - 2-55-97 (дагшань), 2-61-35, 2-56-23, социально-экономическа - 2-64-36 (дагшань), 2-63-86, 2-61-35, 2-67-81, соёлой, эрдэмэй болон хургуулинуудай - 2-60-21, (дагшань), 2-57-63, олонийтын хүдэлмэринин ба мэдээсэлэй - 2-54-93, (дагшань), 2-34-05, 2-69-58; оршуулгын - 2-67-81; корректорнүүдэй - 2-33-61, компьютерна түбэй - 2-66-76. Манай корреспондентүүд: Агинскда - 3-42-19; Закаменскда - 30-61.

"Бурятия" хэблэлэй телефонууд: директор - 2-49-94, бухгалтери - 2-23-67, вахта - 2-35-95.